

№ 29
(469)

1941 аре

Дуныз 5 коп.

12 апреле

ГОРД ЗНАМЯ

ВКП(б)-лэн Пудемской райкомезлэн но Райсоветлэн органзы

7-тя арзэ потэ

АДРЕСЭЗ: Пудем село,
Удмуртской АССР.

Советской Союз но Югославия куспын дружба но огод вылэ огод нападать каронтэм сярысь договор ГОЖТОН

Переговор'эслэн результат'эсыз'я, куд'эсыз ортчизы та берло нунал'эсы Москваын, 5 апреле Советской Союз но Югославия куспын дружба но огод выле огод нападать каронтэм сярысь договор гожтэмын.

Улийаз Договорлэн текстэз сётиське.

Советской Социалистической Республикаослэн Союззы но Югославилэн королевствооз куспын дружба но огод вылэ огод нападать каронтэм сярысь

Д о г о в о р

Советской Социалистической Республикаослэн Союззылэн Верховной Советэзлэн Президиумез но солэн Величествоез Югославилэн Королез кыкез ик странаос куспын существовать карись дружба бордысен но соослы оскыса, что соослэн ог'я интересэнызы л у о мир в о з ё н, решить каризы дружба но огод вылэ огод нападать каронтэм сярысь договор гожтыны и солы понна назначить каризы асьсэлэн уполномоченнсененызы — СССР-лэн Верховной Советэзлэн Президиумез—

Вячеслав Михайлович Молотовез, СССР-лэн Народной Комиссар'эсызлэн Советсылэсь Председательзэ но Иностранной Уж'эсыз'я Народной Комиссарзэ;

Солэн Величествоез Югославилэн Королез — Милан Гавриловичез, Югославилэсь Чрезвычайной Посланникэ но Полномочной министрзэ;

Божин Симичез но

Драгутин Савичез, полковникез,

та уполномоченной'ес, а с ь с э л э н полномочиенызы вош'яськем бере, куд'эсыз формазы'я но порядоксыя кулэез'я тупатэмын шуыса тодыса, т а л э н улийаз гожтэм сярысь тупатскызы:

Нырысетй статья

Кыкез ик Договариваться кариськысь Странаос валче обязываться карисько огзы вылэ огзы котькыче нападенилэсь возькыны но уважать карыны независимостез, суверенной правооссэс но СССР но Югославилэсь территориальной целостностьсэс.

Кыктэтй статья

Со дыре, если Договариваться карись Странаос подвергаться каризы нападенилы куиньметй государство ласянь, кыктэтйез Договариваться кариськысь Страна обязать каре соин дружественной отношенилэсь политиказэ соблюдать карыны.

Куиньметй статья

Та Договор заключаться каре вить арлы. Если Договариваться карись Странаос пöлысь одйгез кулээн уз лыд'я та Договорез денонсировать карыны возматэм дырлэсь одйг ар азыло, та Договор автоматически продолжить кароз аслэстыз действизэ эшшо вуоно вить арлы.

Нылетй статья

Та договор кужыме пыре сое подписать карем дырысен. Договор подлежать каре вуоно матысь дыре ратифицировать каронлы. Ратифицированной грамотаосын вош'яськон ортчыны кулэ Белградын.

Витетй статья

Договор г о ж т э м ы н кык оригиналэн русской но сербо-хорватской кыл'эсын, причем, кыкнаиз текст'эс огкадь кужым иметь каро.

СССР-лэн Верховной Советэзлэн Президиумезлэн уполномочиез'я В. Молотов.

Солэн Величествоезлэн Югославилэн Королезлэн уполномочиез'я М. Гаврилович, Божин Симич, Д. Савич.

УДМУРТИЕ ПРОМЫШЛЕННОЙ ВУЗ'ЕС ТРОСГЕС ВАЕМЫН ЛУОЗЫ

Туэ арлэн кыктэтй кварталаз Удмуртской АССР-лэн Наркомторгез республикалэн магазин'эсаз вузаны нырысь кварталэ сярысь основной промышленной вуз'эсты данак трос ваез. Кылсарысь, хлопчатобумажной ткань нырысь кварталын сярысь 31 процентлы тросгес

вузамын луоз, ыжгонлэсь лэсьтэм вуз'эс 72,9 процентлы, швейной вуз'эслэн лыдзы 20,7 процентлы, чулкаослэн но носкиослэн лыдзы 44,6 процентлы будоз. Резина обувылэн фондзы но 20 процентлэсь трослы будоз, табачной изделиос 24,5 процентлы.

БАСЬТЭМ ОБЯЗАТЕЛЬСТВОМЕ АЗИНЛЫКО БЫДЭСТО

1940—1941 дышетскон ар кутскем бере, нырысь толэзь-эсаз куд ог дисциплинаос'я мынам посредственно отметкаосы вал. Дышетсконын таچه успеваемостен ур'ясыкыны но кызы но уг луы. Соин ик умой-умой малпаськыса, аслам азым мон задача пуктй—котькыче дисциплинаос'я „хорошо“ гинэ дышетскыны. Та задачаез мон али синмаськымон быдэстй ни. Дышетскон арлэн куиньметй четвертяз табере мынам успеваемости „хорошо“ но „отлично“ дун'ямын. Туэ дышетскон ар быремен валче, мон неполной средней школаын дышетсконме йылпум'ясько ни. Озы бере школаез умой быдэстон п о н н а умой дышетскыны ответственность эшшо но трослы будэ. Мон али обязательство басьтй, чтобы дышетскон арлэн нылетй четвертяз „отлично“ гинэ дышетскыны. Талы мынам тырмытэсь луонлык'эсы вань.

Али дышетскон ар быронлэн матэктэменыз валче, орточем материал'эсты повторяють карыны кутски ни. Та мыным бадзым юрттэт сетоз испытаниос дыр'я преподаватель'эсын сётчам юан'эслы ответ'эс сётчаны.

Уг вунэтыськы мон ляб дышетскись эш'эсылы но юртыны. Тани чем дыр'я мон доры лыктыса Артемьев дышетскись пöртэмез валантэм интыоссэ юалляськылэ. Талы мон тырмыт но валамон ответ'эс сётлысьско. Озыен со куд-ог предмет'эсын посредственно дышетскыны кутскиз ни. Нош азыло трос „плохо“ отметкаосыз вал солэн. Дышетсконэз быдэстыны понна, орточем материал'эсты повторяють каронын мон лулысь-сюлмысь ужало. Озы ик басьтэм обязательствоме азинлыко быдэстон понна нур'ясько.

А. Г. Щепин,
Люмской НСШ-ысь 7 „А“
классын дышетскись.

„Трактор“ колхоз умой дасяськыз

Чабыровской сельсоветысь „Трактор“ колхоз кылем арын вань сельскохозяйственной уж'эсты азинлыко йылпум'яз. Та колхоз котькуд гектарысь, шорлыдын вераса, быдэн 14 центнер тысё юосты басьтыны быгатйз. Вылй урожай басьтэм бере, колхозник'эслэн доходзы трослы будйз. Азыло ар'эсын татын быдэн 1 килограмм гинэ ке трудоденьлы нянь люкылызы, то кылем арын котькуд трудоденьзылы колхозник'эс быдэн 2,2 килограмм нянь басьтйзы.

Колхоз туэ арын но тулыс кизёнэз образивой дасьлыкэн пүмита. Тырмыт кистэмын ю

кыдыс но страховоной фонд, сошертыса умоесь клад'эсы кистылымын.

Али дырлы 35 центнер минеральной удобринос ваемын ни. Дасямын 8 центнер пень, 7 центнер тылобурдо кыед но луд вылэ поттэмын 240 тонн кыед, 320 кубометр торф. Кемалась тупат'яса быдэстэмын ни сельскохозяйственной инвентарь и выльысь лэсьтэмын культиватор.

Семенной участоке чабей кизыны понна колхоз ю кыдыс дасьтйз кыин бырйыса. Вал'эс ваньмыз шоро-куспо но вылй тырлыкоесь.

Агроном Волков.

Колхозник'эслы выль постановления аван'эс

Еловской сельсоветысь „Труд“ колхозлэн телятницаез Барышникова Екатерина 23 кунян'эсты утялтыса, котькуд кунянлэсь, шорлыдын вераса, быдэн 492 грамм нуналлы быдэ привессэс басьтйз. Озыен

Барышникова эш котькуд утялтоно кунянэзлэсь 92 грамм привессэс мултэсэн басьтйз.

Колхозлэн правлениез Барышникова эшлы 5,9 килограмм улэп весэн сйль начислить кариз.

Васильев.

75 ЛИТР ЙÖЛ БАСЬТЭ

Бозинской сельсоветысь „Прожектор“ колхозлэн дояркаез сельисполкомлэн депутатэз Александра Алексеевна Смольникова эш аслэстыз уж'эссэ синмаськымон быдэс'я. Солы план'я 11 скаллэсь 10 кунян басьтоно вал. Смольни-

кова эш та планзэ тырмытйз План'я басьтэм кунян'эсты будэтыны понна али сётйз ни телятницалы.

Виль постановления Смольникова эш аслаз честной ужамез понна 75 литр йöл басьтэ.

Ужзэс умоятйзы

СССР-лэн Совнаркомезлэсь но ВКП(б)-лэн Центральной Комитетэзлэсь туэ арын 6 мартэ поттэм постановленизэс изучить карыса, Кировлэн нимыныз нам колхозысь пудо вордонудысын ужас'эс мылысь-кыдысь ужаны кутскизы. Скот-

ницаос но телятницаос пудоосты люктало шуныт вуэн, судо нормая но азыло умой дасьтэм сионэн.

Дояркаос скал'эсты суткаяз 3—4 пол кысыса, МТФ'я удойностез 20 процентлы жутйзы.

В. Братчиков.

Предвыборной партийной собранияосын отчетной дыр куспын ужамлэн куд-ог итог ёсыз

ВКП(б) райкомысь первичной партийной организация отчетной дыр куспын (1941 аре 20 февральысен 1-тй апрелёз 1941 арын) аслэстыз вань ужэз ортчыт'яз партилэн 18 с'ездэзлэн но ВКП(б)-лэн Центральной Комитетгэзлэн последующой решениосызлэн ответственосыз'я но отчетно-выборной собраниян коммунист'ёслэсь критической замечаниосэз уж вылын быдэс'ян улсын.

Та уж'ёсты азинлыко быдэс'яны понна нырысь ик план лэсьтэмын вал, кудэз утверждать карыл'из первичной парторганизацилэн общой собраниез. Озы бере отчетной дыр куспын первичной парторганизация аслэстыз ужэз трослы умят'ыз.

Партийной собранияос план'я регулярно ортчыл'изы. Коммунист'ёс та сярсы 4-5 нунал азыло тодыл'изы и собрали эскерыны пунктэм вопрос'ёсты мылысь-кыдысь обсуждать карыл'изы. Собрание сярсы коммунист'ёслы азыло иворт'ылыса посещаемость 90—95 процентлы буд'ыз.

Первичной парторганизацилэн партийной хозяйствозе умой рад'ямын. Общой собрание ортчытыку протокол'ёс но решениос чик жегатскытэк гожтыл'иськызы но соослэн копиоссы ВКП(б) райкоме дырыз дыр'я сётыл'иськызы. Коммунист'ёслы учет нуыське тупатэм формаос'я, членской взноссэс коммунист'ёс дыраз тырыло.

Отчетной дыр куспын трослы умояз первичной КСМ организацилэн но ужез. Собрание татын но регулярно ортчыл'изы. Котькуд комсомолецлэн общественной ужез вань и соос асэзлэсь ужез синмаськымон быдэс'яло. Членской взноссэс дыраз тырыло но комсомольской хозяйствозы кулэз'я пунктэмын.

Собрание выл'и активностен ортчыло

Кировлэн нимыныз нима колхозысь первичной партийной организацилэн предвыборной собранияез выл'и политической активностен но производственной под'емен ортчиз. Та собраниян коммунист'ёс конкретной обязательствоос бас'т'изы. Туэ арын кыктэт'и кварталэ нюлэс дасян планэз 13 апрелёз 100 процентлы быдэстыны, тулыс кизён азе вал'ёслэсь тырлыкэс шоронкуспо но умоэз вуттыны но

ТЫРОНЗЭС ЖЕГАТЫСА ВОЗЕ

Районыстымы куд-ог хозяйственной но кооперативной организациослэн бухгалтер'ёсы оборот'я но нетоварной операция налог тыронзэс юри жегато. Озы бере соос трос дыр'я та налог'ёс'я пениос тыроно луыло. Тани „Металлург“ артельлэн сметаз коньдонэз вал дыр'я но 73 сюрс манет государстволы налог тырытэк ул'из. Нош кема дыр ортчем бере расчитаться карыкуз 900

Первичной организацин ОАХ. МОПР, РОКК добровольной обществоос ужало, куд'ёс аз тросэз коммунист'ёс но комсомолец'ёс активно участвовать каро. Регулярно потылэ борд газет.

Вань та уж'ёсты быдэс'ямлэсь мынэмзэ первичной парторганизация эскертыл'из собранияосын отчет'ёс кылскылыса но критикаез, самокритикаез паськыт вълмытыса. Со сяна котькуд поручениосты шо-нер но дырыз дыр'я быдэс'яны понна коммунист'ёс юнматыл'иськызы.

Урод овёл пунктэмын ужегит коммунист'ёсты воспитывать кырон'я. Соосын нимазы беседаос ортчыт'ямын идейно-политической уровеньзэс жу-тон сярсы но мукет темаосын.

Куд-ог азинскон'ёсын чош ик первичной партийной организацилэн тырмытэ интыосыз но вань на. Та тырмытэос тужгес но шараяськыло партийной пропаганда но агитация удысын. Соин сэрэн ик куд-ог коммунист'ёс „ВКП(б)-лэн историезлэсь краткой курсэ“ 4—5 главаосэз гинэ изучать каро. Озы ик тырмыт уж уг адскы первичной парторганизациен кутэм решениосты уж вылын быдэс'яськемез эскерон. Мар луэ самой бад'ым тырмытэ интыен.

Али отчетно-выборной собраниез ортчытонлы дасяськон уж'ёс кутскызы. Та же бад'ым но ответственной ужез ортчытыны понна умой дасяськем кулэ. Котькуд коммунистлэн задачаез—отчетно-выборной собранияез производствозын стахановской амалэн, социалистической трудлэсь образец'ёсэз возмат'яса ужанэн пумитан луэ.

В. И. Толстиков,

ВКП(б) райкомысь первичной парторганизацилэн секретарез.

агро-зоотехучебалэсь ужэз трослы умятыса арнялы быдэ быдэн 2 пол занятиос ортчыт'яны.

„Металлург“ артельысь первичной парторганизацилэн предвыборной собранияез П. М. Матвеев эш кыл сёт'из отчетно-выборной собранияозь (14 апрелёз) механической цехлы апрель толэзлы сётэм планэз 100 процентлы быдэстыны. Васильев.

манет пение тыриз. Та налог'ёсты тырон'я озы ик бере кельтыны туртско „Кормовик“ совхозлэн бухгалтерез Стрелков, маслозаводлэн—Тепляков, льнозаводлэн—Владыкин, „Смычка“ ортельлэн—Подчерцев эш'ёс. Та ужез бере кылэ Люмской но Еловской сельпоослэн бухгалтер'ёссы но. Касаткин, райполэн госдоход'я инспекторез.

Валэктон уж нуым-тэлэн бервыл'ёсыз

Бозинской сельсоветысь, „Память Ильича“ колхозысь МТФ-лэн заведующеез Т. Поздеев аслаз ужасьёсыз пöлын но кыче валэктон уж но уг нуы. Соин ик татын скал кыскысь-ёс, кунян уял'т'исьёс но мукег'ёсыз пудо вордонын ужасьёс, СССР-лэн Совнаркомезлэсь но ВКП(б)-лэн ЦК - лэсь туэ арын 6 тй мартэ потэм постановленизэс уг тодо на. Татын уж но урод организовать каремын. Хаймина Т. Ф. уг тоды коня ыж'ёсты солы уял'тоно но бюджетно. Аслэстыз уял'тоно скал'ёсэз уг тоды скотница М. Наймушина но. Пудо вордон у жын ужасьёслэн асьсэлэсь ужэс умой тодымтэ-нызы гинэ валэктыны луэ сое, что татын туэ арын 36 вордскем ыжпиос пöлысь тямьсэз кул'изы ни. Котькуд скаллэсь йöлзэ копак 2 литр гинэ суткаяз кыско.

Васильев.

Испытаниеосы умой дасяськыно

29 мартэ туэ аре потэм „Горд Знамя“ газетын Л ю м с к о й Н С Ш - ысь Александр Ившин дышетскысьлэн дышетскон б о р д ы н ужамез, эш'ёсызлы юртэмез, испытаниеосы дасяськемез но колхозын ужамез сярсы статьязэ печатламын вал. Со статья, тросэзлэсь дышетскысь-ёслэсь дышетскон но колхозын ужаны мылкыдзэс вылэ жутиз. Нош та школаысь ик Т. Ельцова но А. Югова дышетскысьёс, туж ляб ке но дышетско, А. Ившинлэн статьяыстыз н о к ы ч е н о вывод öз лэсьтэлэ. Испытание уг дасясько, гуртэ сётэм уж'ёсты уг быдэс'яло, урокын уг кылско.

Озы уг яра, эш'ёс. Дышетсконэз яратыны кулэ озы ик, кызы сое яратэ Александр Ившин.

Дышетскысь А. МЫШКИН.

Калинин городын тросэн кулэ луись вуз'ёслы выставка.



Выставкалэн посетитель'ёсыз эскерто посудно-хозяйственной отделысь посудасты.

Беспечной кивалт'исьёс вань ужез куашкато

Баяранской сельсоветысь, Баяран колхозлэн али дырлы одйг килограмм но е т й н кидысэз овёл на. 60 центнер котыр уг тырмы картофаез, 99 центнер чабей кидысэз кизыны уг яра. План'я 28 тонна интые чик вайымтэ минеральной удобринос. Быдэстымтэ тупат'яса плуг'ёс, усыос но сиес т'ырлык. Гозыоссы колхозник'ёс киулын уло.

Мар муген та же лыре вуэмын Баяран колхоз?

Та юанлы ответ одйг пöртэм сяна луыны уг быгаты. Колхозлэн председателез но бригадир'ёс тулыс кизён дасяськонэн уг кивалто. Таос та ужын асьсэлэсь копак беспечностьсэс возматэ. 5—6 апреле колхозлэн председателез Симанов правление ветлытэк ас хозяйствозаз пу вортыса ул'из, нош 1 номеро бригадалэн бригадирез П. Г. Ельцов колхозной производствозе потатэк 2 нунал пьянчача яса ветл'из.

—Мон юйтэк кин юоз, кизыны потыны мынам бригадае дась ни—шуыса уш'яське Ельцов. Нош умой-умой эскероно ке, талэн бригадаезлэн 4 усыез уг тырмы на. Сйзыл куд-ог тупат'ям усыос но плуг'ёс лымы улэ согыськемын.

Бригадир'ёс но правленилэн член'ёсыз ужась кужым тырмымтэлы жожко. Но та зэм овёл, яке колхозысь 266 мурт ужасьёс пöлысь туэ куинь толэз куспын 164 мурт гинэ ужаны потазы ни. 1 номеро бригадаысь трудоспособной колхозник'ёс пöлысь туэ арын 33 процентэз колхозной производствозе öз ветлэ на. Бригадир'ёслэн кышнооссы Ельцова Наталья Михайловна, Симанова Наталия Родионовна колхозной производствозе потонлэсь кышкаса уло. Соин ик туэ одйг трудоденьзы но овёл на. Нош Барышникова Любовь Ивановна копак 8,84 трудоденьлы гинэ ужаз ни.

Сельскохозяйственной инвентарез тупат'яса быдэстыны тырмыт дыр вал ни, но таос эгырмы овёл шуыса усы пинь гинэ но уг лэсьто. Колхозлэн правлениез толбыт эгыр сутон сярсы болтать к а р и з, нош сое сутон борды кутскыны али гинэ малпаны кутско. Озы бере эриктэм юан лыктэ: кема-а меда колхозлэн беспечной кивалт'исьёсыз малпаськыса узозы на, яке жо-ген-а кутскызы тупат'яны асьсэлэсь толбыт бездельничать карыса улэмзэс.

Бригадир'ёслэсь головотяпской кивалтонзэс со но возматэ, что 6 апреле куд-ог колхозник'ёс силос гу устыны ыстэмын вал но, соос силос гу интыез тодымтээн, 11 часозь токма азысь лымы копаса сое утчаны туртскизы.

Г. Баженов.

Отв. редактор П. МАЛЫХ. Потт'ись Райсоветлэн Исполкомез.